

Landesbibliothek Oldenburg

Digitalisierung von Drucken

**Terentius,|| A` M. Antonio Mvreto|| locis prope
innumerabilibus|| emendatus.||**

Terentius Afer, Publius

Venetiis, 1558 [erschieden] 1559

Scena II.

[urn:nbn:de:gbv:45:1-723936](https://nbn-resolving.org/urn:nbn:de:gbv:45:1-723936)

A N D R I A

Verò uultu; cum, ibi me adesse, neuter tū præsenserat.
 S. Credo; & id facturas, Dauus dudum prædixit mihi:
 Et nescio quid tibi sum oblitus hodie, ac uolui dicere.

ACTVS QVINTI SCENA II.

DAVVS, CHREMES, SIMO,

D R O M O.

D. Nimo iam nunc ocioso esse impero. CH.

hem Dauom tibi.

S. Unde egreditur? D. meo præsidio, atque
 hospitis. S. quid ilud mali est?

D. Ego commodiorem hominem, aduentum, tempus non
 uidi. S. scelus,

Quemnam hic laudat? D. omnis res est iam in uado.
 S. cesso alloqui?

D. Herus est: quid agam? S. o salue bone uir. D. hem
 Simo, o noster Chreme,

Omnia apparatus iam sunt intus. CH. curasti probe.

D. Vbi uoles, accerse. S. bene sane. id enim uero hic
 nunc abest.

Etiam tu hoc respondes, quid istic tibi negocij est? D.
 mihin? S. ita.

D. Mihi ne? S. tibi ego. D. modo introij. S. quasi ego,
 quàm dudum, rogem.

D. Cum tuo gnato una. S. an ne est intus Pamphilus? cru
 cior miser.

Eho, non tu dixti esse inter eos inimicitias carnufex?

D. Sunt.

D. sunt. S. cur igitur hic est? CH. quid illum censes? cum illa litigat.

D. Immo uero indignum Chreme iam facinus faxo ex me audias.

Nescio quis senex modo uenit: illum, confidens, catus: cum faciem uideas, uidetur esse quanti uis preti:

Tristi seueritas inest in uoltu, atque in uerbis fides.

S. Quidnam apportas? D. nil equidem, nisi quod illum audiui dicere.

S. Quid ait tandem? D. Glycerium se scire esse hanc ciuem Atticam.

S. Hem Dromo, Dromo. D. quid est? S. Dromo. D. audi. S. uerbum si addideris. Dromo.

D. Audi obsecro. DRO. quis uis? S. sublimem hunc intro rape, quantum potes.

DR. Quem? S. Dauom. D. quamobrem? S. quia lubet. rape inquam. D. quid feci? S. rape.

DA. Si quicquam mentitum inuenies, occidito. S. nihil audio.

Ego iam te commotum reddam. D. tametsi hoc uerum est. S. tu tamen

Cura asseruandum uinctum, atque audin? quadrum pedem constringito.

Age nunc: iam ego pol hodie, si uiuo, tibi

Ostendam, herum quid sit periculi fallere, &

illi patrem. CH. ah ne seui tantopere. S. Chreme,

Pietatem gnati. non ne te miseret mei?

Tantum laborem capere ob talem filium?

Age Pamphile: exi Pamphile: ecquid te pudet?

A N D R I A .
ACTVS QVINTI SCENA III.

PAMPHILVS, SIMO,

CHREMES.

- P. Vis me uolt ? perij , pater est . S . quid di
q omnium ? C . ah .
Rē potius ipsam dic , ac mitte male loqui .
- S . Quasi quidquam in hunc iam grauius dici possiet .
Ain' tandem ciuis Glycerium est ? P . ita prædicant .
- S . Ita prædicant ? ingentem confidentiam :
Num cogitat , quid dicat ? num facti piget ?
Num eius color pudoris signum usquam indicat ?
Adeon' impotenti esse animo , ut præter ciuium
Morem , atque legem , & sui uoluntatem patris
Tamen hanc habere studeat cum summo probro ?
- P . Me miserum . S . modo ne id demum sensisti Pamphile ?
Olim istuc , olim , cum ita animum induxti tuum ,
Quod cuperes , aliquo pacto efficiundum tibi ,
Eodem die istuc uerbum uere in te accidit .
Sed quid ago ? cur me excrucio ? cur me macero ?
Cur meam senectam huius sollicito amentia ? an
Pro huius ego ut peccatis supplicium sufferam ?
Immo habeat , ualeat , uiuat cum illa . P . mi pater .
- S . Quid mi pater , quasi tu huius indigeas patris .
Domus , uxor , liberi inuenti inuito patre :
Adducti , qui illam ciuem hinc dicant : uiceris .
- P . Pater licet ne pauca ? S . quid dices mihi ?
- C . Attamen Simo audi . S . ego audiam ? quid ego audiam
Chreme ?